



36

## **CONVENIO DE COLABORACIÓN ENTRE O CONCELLO DE VIGO E A CONFRARÍA DO SANTÍSIMO CRISTO DOS AFLIXIDOS DE BOUZAS PARA A ORGANIZACIÓN DO ACTO DE APERTURA DO FESTIVAL POÉTICO PIROMUSICAL DE BOUZAS 2016.**

*(Aprobado pola Xunta de Goberno local na súa sesión ordinaria do 8 de xullo de 2016)*

Na Casa do Concello de Vigo, a once de xullo de dous mil dezaseis.

### **REUNIDOS**

Dunha parte, dona ANA LAURA IGLESIAS GONZÁLEZ, na súa calidade de CONCELLEIRA-DELEGADA DA ÁREA DE FESTAS E TURISMO DO CONCELLO DE VIGO, na representación legal do mesmo, en virtude do decreto da Alcaldía de 19 de xuño de 2015 e acordo da Xunta de Goberno de data 19 de xuño de 2015.

Doutra, DON JAVIER GRANDE PÉREZ, COMO CONFRADE MAIOR DA CONFRARÍA DO SANTÍSIMO CRISTO DOS AFLIXIDOS DE BOUZAS, CIF nº G-36.690.170 e enderezo social na rúa San Miguel nº 1 de Vigo (Bouzas), na representación da mesma, segundo resulta dos seus estatutos e da certificación do seu secretario que figura na documentación do expediente nº 6474/335.

Tendo, daquela, os comparecentes a capacidade legal necesaria para o outorgamento do presente convenio

### **MANIFESTAN**

**I.-** Que a Confraría do Santísimo Cristo dos aflixidos de Bouzas ten por fins, entre outros, o de promover as festas anuais de Bouzas, desenvolvendo actos culturais así como contribuir a un destaque das solemnidades litúrxico relixiosas conmemorativas. Deste modo, esta entidade vén ocupándose, dende tempos inmemoriais, da organización, desenvolvemento e execución das festas anuais que se celebran na Vila de Bouzas - Cidade de Vigo, na segunda quincena no mes de xullo, en honra do "Bo Xesús dos Aflixidos", patrón da Vila, e cuxo programa comprende, tanto actividades lúdicas coma relixiosas. Dentro do dito programa lúdico, e como principal e máis salientábel actividade, véñse celebrando o chamado "FESTIVAL POÉTICO-PIROMUSICAL CIDADE DE VIGO - VILA de BOUZAS", na noite do terceiro domingo de xullo.

**II.** Que o dito Festival, declarado de interese turístico de Galicia desde o ano 2004, constitúe unha tradición consolidada dentro da oferta cultural e lúdica da cidade de Vigo, sendo o máis relevante dos da súa clase, así coma un dos máis prestixiosos da Comunidade Autónoma de Galicia, tanto pola calidade e custo da súa execución, o número de espectadores directos do Festival, o seguimento e cobertura mediáticos do mesmo, e a antigüidade da súa celebración, constituíndose por todos estes motivos nun obrigado referente nas celebracións lúdico-culturais de todo o territorio nacional. En virtude do gran seguimento popular de dito espectáculo, da tradición consolidada na súa celebración, e na constatada mellora ano tras ano da súa calidade e promoción, o Concello de Vigo considera necesario contribuir ó mantemento e financiamento do mesmo, como medio de garantir e conservar un dos signos distintivos da identidade colectiva da cidade de Vigo.

**III.** Que dende hai dez anos se veñen asinando diversos convenios de colaboración entre ambas as entidades para desenvolver actividades socioculturais, e os resultados acadados foron moi satisfactorios para ambas as partes.

**IV.-** Así as cousas, o Concello de Vigo no seu vixente orzamento, na aplicación 3380.489.0011, prevé nominativamente a concesión dunha subvención por importe de 8.100,00 (oito mil cen) euros, a favor do Comisión de Festas de Bouzas.

V.- Toda vez que, de acordo co disposto nos artigos 28.1 da Lei 38/2003, de 17 de novembro, xeral de subvencións, e 26.1 da Lei de Galicia 9/2007, de 13 de xuño, de subvencións de Galicia, o convenio será o instrumento habitual para canalizar as subvencións previstas nominativamente nos orzamentos da Administración concedente, os intervenientes, conclúen o presente convenio ao fin de regular os termos da concesión da devandita subvención, cuxo obxecto é o cofinanciamento polo Concello de Vigo do primeiro dos catro actos nos que se divide o "Festival Poético-piromusical Cidade de Vigo-Vila de Bouzas" denominado "Apertura".

VI.- Que o carácter cultural se atopa entre as competencias atribuídas aos municipios no artigo 25.2.m e 127 da Lei 7/1985, de 2 de abril, reguladora das bases do réxime local, e aos municipios galegos no artigo 80.2.n da Lei de Galicia 5/1997, de 22 de xullo, de administración local de Galicia.

VII.- Que a entidade Confraría do Santísimo Cristo dos aflixidos de Bouzas non está incurso en prohibición para ser beneficiaria das subvencións obxecto da Lei de subvencións de Galicia, achase ao corrente das súas obrigas tributarias e fronte a Seguridade Social e non ten débedas pendentes con este Concello de Vigo, segundo resulta das declaracións responsables e certificacións que figuran no expediente nº 6474/335.

Que en base ás precedentes consideracións e ao interese social e cultural que para a cidade de Vigo representa a devandita actividade da entidade **Confraría do Santísimo Cristo dos aflixidos de Bouzas**, o Concello de Vigo e a dita entidade conveñen a súa colaboración no ámbito cultural e a concesión da referida subvención en base aos seguintes.

### FACTOS

**Primeiro.-** A Confraría do Santísimo Cristo dos aflixidos de Bouzas comprométese a colaborar coa Concellería de Festas e Turismo do Concello de Vigo en canto a organización do Festival Poético-piromusical "Cidade de Vigo – Vila de Bouzas", que terá lugar en Bouzas na noite do terceiro domingo de xullo (17 de xullo), e concretamente a:

1º.- Asumir todo o concernente á organización das actividades, achegando toda a infraestrutura e equipo humano necesarios para tal fin, así como cumprir o programa presentado.

2º.- Realizar o "FESTIVAL POÉTICO-PIROMUSICAL" e en especial o acto de "APERTURA", segundo a programación proposta e o presuposto aprobado.

3º.- Comezar as actividades do programa á hora anunciada ao público, tendo comprobado con antelación suficiente o correcto funcionamento das instalacións e equipamento, para realizar as correccións técnicas que resulten necesarias.

4º.- Aboar as taxas, impostos, dereitos de autor e todos os demais gastos derivados da realización das actividades e obter todos os permisos e autorizacións necesarios para a súa realización.

5º.- Responsabilizarse fronte a calquera dano que se cause a terceiros con ocasión do desenvolvemento da actividade, asumindo a contratación dunha póliza de seguro de responsabilidade civil que atenda calquera accidente ou incidencia que se poida producir en relación ao desenvolvemento das actividades; a ENTIDADE entregará ao CONCELLO copia da póliza antes do inicio dos programas.

6º.- A entidade terá que coordinar co departamento de prensa do Concello todas as presentacións e roldas de prensa previstas obxecto deste convenio e do seu desenvolvemento.

7º.- Asumir todos os gastos que se deriven deste convenio, agás os que especifiquen como responsabilidade do Concello.

8º.- Deixar a zona que se utilice para as actividades en perfectas condicións de limpeza e respectando o entorno.

En xeral cumprir coas obrigas consignadas para as beneficiarias das subvencións no artigo 11 da Lei de Galicia 9/2007.

**Segundo.-** O Concello de Vigo, pola súa parte, comprométese a conceder directamente á Confraría do Santísimo Cristo dos aflixidos de Bouzas, unha subvención por importe de 8.100,00 (oito mil cen) euros co obxecto de coadxuvar ó financiamento da organización do acto "Apertura" do "Festival poético-piromusical Cidade de Vigo – Vila de Bouzas" con cargo á aplicación presupostaria 3380.489.0011 (Convenio Comisión Festas Bouzas) do programa presupostario de Festas para o vixente exercicio.

O Concello non asume ningún compromiso distinto dos recollidos no presente convenio.

**Terceiro.-** Esta subvención será compatible con calquera outra subvención ou axuda para a mesma finalidade procedente de calquera outra administración ou de entes públicos ou privados, nacionais, da Unión Europea ou de organismos internacionais.

A entidade beneficiaria deberá comunicar ao CONCELLO a obtención doutras subvencións, axudas ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade a xustificación da aplicación dada ós fondos recibidos.

En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no artigo 34 do RD 887/2006, de 21 de xuño, polo que se aprobou o Regulamento da Lei Xeral de Subvencións.

**Cuarto.-** O pagamento da cantidade recollida no pacto segundo deste convenio realizarase efectuarase por transferencia bancaria conta corrente número IBAN ES36 2080.5016.0730.4002.0541, da entidade bancaria ABANCA, da que é titular a entidade beneficiaria, tras a xustificación das axudas.

**Quinto.-** Se o custe total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos como integrantes da mesma, procederá a redución da subvención na mesma proporción .

A comunicación destas circunstancias ao Concello deberá efectuarse no momento en que se coñeza e, en todo caso, con anterioridade a xustificación da aplicación dada aos fondos recibidos.

**Sexto.-** A beneficiaria non poderá subcontratar con terceiros a actividade subvencionada.

**Sétimo.-** A beneficiaria debe dar a adecuada publicidade ó financiamento municipal da actividade subvencionada mediante a incorporación do logotipo da Concellería de Cultura e Festas e da imaxe corporativa do evento en todos os soportes publicitarios que edite.

**Oitavo.-** A presente subvención terá a publicidade prevista no artigo 15 da Lei de Galicia 9/2007.

**Noveno.-** A beneficiaria, antes da primeira semana de decembro, deberá xustificar o cumprimento das condicións impostas e a consecución dos obxectivos previstos pola concesión da subvención e, no seu caso, da aplicación dos fondos recibidos. A tal efecto, a conta xustificativa a render deberá conter:

a) **Memoria de actuación** xustificativa do cumprimento das condicións previstas no presente convenio, con indicación das actividades desenvolvidas dentro do programa, datos de participación memoria de prensa, rexistro fotográfico e audiovisual e informe de incidencias.

b) **Memoria económica** xustificativa do custo final das actividades realizadas, que incorporará:

- Balance económico con detalle dos gastos e ingresos finais e desviacións con relación ao orzamento inicial.
- Relación numerada de todos e cada un dos documentos xustificativos que se aporten con especificación da súa data de emisión, provedor, obxecto facturado, importe total do documento, data e forma de pagamento.
- As facturas presentadas terán que ser orixinais e deberán recoller o número de CIF, a data, número de factura e o IVE; ordenados correlativamente segundo o número de orde asignado na relación numerada citada no apartado anterior, estes xustificantes quedarán a disposición do Concello de Vigo. Os documentos xustificativos haberán de estar datados no período obxecto deste convenio. Os gastos xustificativos con facturas e demais documentos de valor probatorio

equivalente no tráfico xurídico mercantil presentarase en orixinal. As facturas cumpriran os requisitos establecidos para súa expedición no RD 1619/2012 de 30 de novembro polo que se regulan as obrigas de facturación ou as normas sobre a facturación electrónica equivalentes. Non se admitiran facturas fotocopiadas ou compulsadas. Nestas facturas se computará o gasto acreditado deducindo o IVE, salvo que se xustifique a exención do dito imposto. Se a entidade beneficiaria solicitase a devolución do orixinal presentado, a área xestora da subvención procederá ao estampillado da factura orixinal, indicando no estampillado o motivo da subvención e se o importe do xustificante se imputa total ou parcialmente á subvención recibida; indicándose neste caso o importe exacto que resulte afectado pola subvención. A copia do xustificante orixinal estampillado se incorporará ao expediente e a área xestora da subvención procederá á devolución do orixinal.

En ningún caso se admitiran simples recibos ou xustificantes de caixa. As facturas ou minutas por prestación de servizos profesionais deberán conter os mesmos elementos que os especificados para as facturas e, tratándose de persoas físicas, conterán a correspondente retención fiscal.

- De existiren, relación detallada de outros ingresos ou subvencións que financiaron a actividade, acreditando o seu importe, procedencia e a aplicación dos ditos fondos ás actividades subvencionadas.
- A xustificación deberá facerse con documentos orixinais pola parte subvencionada e con copias de facturas polo resto do orzamento. Poderase substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de .....euros."

**Décimo.-** Antes de proceder ao pagamento da subvención a beneficiaria deberá acreditar estar ao corrente no pagamento das súas obrigas fiscais e para coa seguridade social e non ser debedora por resolución de procedencia de reintegro, o que poderá realizar por medio dunha declaración responsable, ao abeiro do artigo 31.7 e) da Lei de Galicia 9/2007.

**Décimo primeiro.-** Serán gastos subvencionables os que de xeito indubitado respondan a natureza da actividade subvencionada e se realicen no exercicio económico do convenio.

**Décimo segundo.-** A realización da actividade subvencionada, o cumprimento da finalidade que determinou a concesión da subvención e a axeitada xustificación da mesma, será comprobada pola Concellería de Festas e Turismo. O persoal técnico do Servizo de Festas emitirá informe ao respecto facendo constar, no seu caso, todas aquelas circunstancias que poidan resultar relevantes en orden a considerar incumplida ou defectuosamente cumprida a actividade subvencionada.

**Décimo terceiro.-** A beneficiaria deberá facilitar toda a información que lle sexa requirida pola Concellería de Festas e Turismo e pola Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

**Décimo cuarto.-** Procederá o reintegro das cantidades percibidas e a esixencia de xuros de demora desde o pagamento da subvención ata a data na que se acorde a procedencia do reintegro nos casos do artigo 33 da LG 9/2007.

Cando o incumprimento da actividade subvencionada se traduza nunha diminución significativa da actividade subvencionada, traducible a termos económicos en función do proxecto presentado e o seu presuposto, que non implique verdadeiro incumprimento do obxectivo da subvención, procederá o reintegro da subvención na mesma proporción. En todo caso procederá o reintegro do exceso da subvención sobre o custo da actividade subvencionada.

**Décimo quinto.-** A información sobre as actividades, especialmente en carteis e programas, estará integramente en idioma galego, e terá que ser revisada polo servizo de normalización lingüística do Concello de Vigo. En toda a información editada figurará o logotipo do Concello de Vigo, nas mesmas condicións e tamaños. O material editado deberá contar coa conformidade previa do Servizo de Festas do Concello de Vigo, e disporá dos depósitos legais que lle correspondan.

**Décimo sexto.-** O mecanismo de seguimento da execución deste convenio establécese en base ás memorias e informes que presenten as entidades asinantes e a presenza do persoal técnico do Servizo de Festas nas propias actividades programadas.

**Décimo sétimo.-** O presente convenio terá vixencia anual ata o 31 de decembro de 2016 e non será prorrogábel.

**Décimo oitavo.-** A concelleira delegada de Festas e Turismo queda facultado para resolver as posíbeis controversias derivadas da execución e interpretación deste convenio, así como para tomar iniciativas que contribúan ó seu cumprimento e desenvolvemento.

**Décimo noveno.-** Canto ás infraccións e sancións en que poida incurrir a beneficiaria da subvención a que se refire este convenio e procedemento para a súa apreciación e imposición, estarase ao disposto no Título IV da Lei de Galicia 9/2007 e no Real Decreto 1398/1993, de 4 de agosto, polo que se aprobou o Regulamento do Procedemento para o exercicio da potestade sancionadora.

**Vixésimo -** A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto do presente convenio, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de Galicia 9/2007 en orden á conclusión do proceso subvencional, polo que a súa achega é obrigatoria.

Os ditos datos serán tratados e protexidos de acordo co previsto na Lei 30/1992, do 26 de novembro, de réxime xurídico das administracións públicas e do procedemento administrativo común e na Lei 15/1999, do 13 de decembro, de protección de datos de carácter persoal, sendo responsable do seu tratamento a Concellería de Festas. A beneficiaria poderá exercer os dereitos de acceso, rectificación, cancelación e oposición ante o Servizo de Festas do Concello de Vigo.

**Vixésimo primeiro.-** A actividade obxecto deste convenio está destinada ao público en xeral, e o acceso á mesma será público e gratuíto; o número de asistentes limitarase á capacidade do lugar onde se celebre. De todos os xeitos, as actividades, servizos ou produtos ofertados alí poderán traer consigo unha achega económica por parte dos usuarios (billetes, entradas, etc.).

Por este motivo, a entidade beneficiaria proporá ao Concello os prezos para cada unha das actividades, servizos ou produtos, para obter a conformidade da Concellería de Festas e Turismo. A entidade deberá expor durante a celebración da actividade, nun lugar perfectamente visíbel, o listado de prezos de venda ó público.

A tal fin, establecerase un sistema de control de ingresos procedentes do goce ou uso das distintas actividades, que poderán ser billetes ou xustificantes de ingresos, nos que deberán figurar os conceptos e importes, e que estarán numerados correlativamente. A entidade proporalle ao Concello os modelos de billetes ou xustificantes, e tamén o seu número, para obter a correspondente conformidade.


**Vixésimo segundo.-** En cumprimento do establecido na resolución de 10 de decembro de 2015, da Intervención Xeral da Administración do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, e en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos, e para garantir o dereito dos cidadáns a coñecer todas as subvencións convocadas en cada momento e cara a contribuir aos principios de publicidade e transparencia, a Intervención Xeral da Administración do Estado publicará na súa paxina web as subvencións concedidas, segundo o establecido na Lei 38/2003 de 17 de novembro, xeral de subvencións artigo 20.4 e 20.8.b.

**Vixésimo terceiro.-** A concesión da subvención obxecto do presente convenio rexeráse pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do estado en materia de réxime local; a Lei de Galicia 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

LGD/vmo


E, en proba da súa conformidade, firman o presente convenio, por triplicado exemplar, en Vigo, no lugar e data que se indican

A concelleira delegada da  
Área de Festas e Turismo



Ana Laura Iglesias González


O confrade maior da Confraría do  
Santísimo Cristo dos aflixidos de Bouzas



Javier Grande Pérez



fundada en 1648



*Cando a face-lo mundo Deus andaba  
a agarimosa mao doce preguiza -  
posouna nesta ainda terra donda  
a do bico da mao naceu Galicia.*

*De pente desta mao que ia adoando  
con prata e con cristal caiu nas ondas  
unha pingoa de amor; e Deus o vela  
dixo abraiado El Mesmo: "Sexa Bouzas"*

*Lalo V. Gil*

PROXECTO DE PROGRAMA  
XI FESTIVAL POÉTICO-PIROMUSICAL  
"CIDADE DE VIGO – VILA DE BOUZAS" 2016

O Festival Poético-Piromusical "Cidade de Vigo - Vila de Bouzas" é unha das actividades mais importantes dentro das Festas do Cristo, "**Festas de Interese Turístico de Galicia**" dende 2004 (DOGA nº82, do 29 de abril de 2004 páxina. 6.043).

Na actualidade o día grande en honor o noso Patrón, o Cristo dos Aflixidos, celébrase sempre o terceiro domingo de xullo, comezando os actos socioculturais e os relixiosos dende 12 días antes para finalizar o martes seguinte.

INTERES SOCIAL das FESTAS do CRISTO de BOUZAS ACTIVIDADES SOCIAIS:

- Entrega de Medallas Cabaleiros de Bouzas
- Homenaxe os Nossos Maiores
- Homenaxe a Xente da Mar


ACTIVIDADES DEPORTIVAS E DE OCIO:

- Campionato do Mundo de Faluchos; antigo xogo popular de Bouzas recuperado pola Confraría.
- Memorial Luís Bastida de Fútbol 7 (60 equipos)
- Concurso de Redacción y pintura
- Concurso de Pesca (organizado dende o 2013)
- Grupos de Gaitas
- Concerto Coral Casablanca
- Xigantes y Cabezudos
- Orquestras e Bandas de Música
- Atraccións Infantís (Pallasos, monicreques, teatros na rúa...)

## ACTIVIDADES ARTISTICAS E CULTURAIS:


- Publicación do libro das Festas.
- Concurso de fotografía. (organizado dende o ano 2013)

## PROXECTO PARA O XI FESTIVAL POÉTICO-PIROMUSICAL “CIDADE DE VIGO – VILA DE BOUZAS”, 2016



O evento mais destacado das Festas é o Festival Poético Piro-Musical “Cidade de Vigo - Vila de Bouzas” que este ano 2016 se celebrará o domingo 17 as 23:00 horas e que este ano estará adicado a **Castelao**.

Os orixines deste Fogo do Cristo se remontan a 1605, habendo constancia documental dun “combate naval”-pseudopirotécnico en Bouzas festexando o nacemento do que sería mais tarde rei de España con o nome de Felipe IV.



No ano 2005 celebramos con todo honor estes 400 primeiros anos dos Fogos do Cristo que a partir dese ano son denominados como Festival Poético Piro-Musical “Cidade de Vigo - Vila de Bouzas”. Está recomendado, entre outras publicacións de prestixio, en la Guía CAMPSA.

Tal e como vimos facendo estes últimos anos, vamos contar cun equipo de profesionais galegos de primeira liña composto por:

<b>Maximino Keizán</b>	Creador artístico e voz das poesías
<b>Eva e Luís Xaraiva</b>	Directores artísticos da pirotecnia

No Festival únense nun mesmo espectáculo unha espectacular tirada de Fogos Artificiais cun acompañamento musical e poético. Componse como ven sendo habitual de 4 actos dedicados a homenaxear as tradicións, festexos, conmemoracións da tradición popular de Galicia.

- Acto I –APERTURA-
- Acto II
- Acto III
- Acto APOTEOSE FINAL

No ano 2013 honramos o 150 aniversario da publicación de “Cantares Gallegos” de Rosalía de Castro ca lectura dos seus poemas e no ano 2014 tocoulle o turno a Eduardo Blanco Amor.

No ano 2015 o festival poético – musical estivo adicado as fermosas Illas Cíes, en apoio a súa candidatura como **Patrimonio da Humanidade**.



A empresa encargada do Festival foi a **Pirotecnia Xaraiva**, de Verín, a cal conta cun grupo de profesionais de primeira liña, moi atentos nos pequenos detalles tan importantes neste tipo de espectáculos e que teñen moi merecido o prestixio co que contan, e así o acreditan os numerosos premios obtidos nos últimos anos:

- 1º PREMIO DEL JURADO Y DEL PUBLICO XVIII CONCURSO CAMPEÓN DE CAMPEONES. GRAN PREMIO INTERNACIONAL DE FUEGOS ARTIFICIALES "VILLA DE BILBAO" 2008. ÚNICA PIROTECNIA ESPAÑOLA QUE OBTEN ESTE PREMIO
- 1º PREMIO VI MUESTRA INTERNACIONAL DE FUEGOS ARTIFICIALES EN LAS FIESTAS DE LA VIRGEN BLANCA "VITORIA-GASTEIZ" 2008.
- 1º PREMIO XII FESTIVAL INTERNACIONAL DE FUEGOS ARTIFICIALES EN LAS FIESTAS DE LA VIRGEN DE SAN LORENZO "CIUDAD DE VALLADOLID" 2008.
  - 1<sup>er</sup> Premio VII Muestra Internacional de Fuegos Artificiales de Burgos 2012.
  - 1<sup>er</sup> Premio no Concurso Internacional de Fuegos Artificiales San Fermin 2014.

No 2013 o diario Atlántico reservoulles unha das súas páxias onde tamén incluíron o cartel das festas deseñado por **Castro Correa** onde aparecen os logotipos dos nosos mais importantes patrocinadores, como o do Concello de Vigo

Tamén no ano 2015 este mesmo diario reservoulles un espazo nunha das súas páxinas:.

**PRESUPOSTO DO FESTIVAL POÉTICO-PIROMUSICAL "CIDADE DE VIGO-VILA DE BOUZAS" 2016**

realizados a partir do gasto real incurrido en 2015

PIROTECNIA XARAIVA, PROGRAMACIÓN E COORDINACION DA PIROTÉCNIA

**APARTADO: GASTOS**

**GASTOS INDIVIDUAL GASTOS TOTALES**

**GASTOS PIROTECNIA**

I Acto: APERTURA	10.000,00 €	13.525,00 €
II Acto:	8.000,00 €	11.525,00 €
III Acto:	12.000,00 €	15.525,00 €
IV Acto: APOTEOSE FINAL:	19.000,00 €	22.525,00 €

**GASTOS COMUNES A TODO EL FESTIVAL**

Música e dirección	2.000,00 €
Audio e Visión Fogos	4.000,00 €
Sorporte fuegos	2.800,00 €
Cartelería e Programas	200,00 €
Seguridade	2.000,00 €
Seguro	1.400,00 €
Limpeza Ponte	1.700,00 €

Gastos comunes total 14.100,00 €

Prorrateso gastos comunes 3.525,00 €

**GASTO TOTAL 63.100,00**

EN EL EPÍGRAFE GASTOS TOTALES ESTÁN SUMADOS A CADA UNO DE LOS ACTOS DE PIROTECNIA LOS GASTOS QUE SON COMUNES A TODOS LOS ACTOS: Música y dirección; limpeza Ponte; etc.

JAVIER GRANDE PEREZ  
Confrade Maior



**PRESUPOSTO DO FESTIVAL POÉTICO-PIROMUSICAL "CIDADE DE VIGO-VILA DE BOUZAS" 2016**

realizados a partir dos ingresos reais incurridos en 2015

**APARTADO: INGRESOS**

I Acto: SOLICITADO CONVENIO COA CONCELLERÍA DE FESTAS	8.100,00 €
II Acto: PENDENTE DE PATROCINADOR	6.000,00 €
III Acto: SUBVENCIÓN SOLICITADA Ó O.A.L. "TURISMO RÍAS BAIXAS"	12.000,00 €
IV Acto: APOTEOSIS FINAL. PENDENTE DE PATROCINADOR	15.000,00 €
<hr/>	
Cuotas Confrades	4.000,00 €
Venta de publicidade no Libro das Festas e Megafonía	12.000,00 €
Colaboración por publicidade en trípticos das Festas	1.500,00 €
Aportación propia de la Cofradía	4.500,00 €
<hr/>	
Ingreso total	63.100,00 €

É PARA ESTE PRIMEIRO ACTO PARA O QUE SOLICITAMOS A SUBVENCIÓN

JAVIER GRANDE PÉREZ  
Confrade Maior

